

COVID - 19

«ՍԱՐՄԱՆԱՓԱԿՈՒՄՆԵՐԻ ՆՊԱՏԱԿԸ ՎՐԱՍՏԱՆԻ ՔԱՂԱՔԱՑԻՆԵՐԻՆ ԼԻԱՐԺԵՔ ԿՅԱՆՔ ՎԵՐԱԴԱՐՁՆԵԼՆ Է»

(Սկիզբը՝ 1-ին էջում)

- Մենք հայտարարել ենք երկամսյա ծրագրի մասին, որը պետք է կայունացնի երկրում համաճարակային իրավիճակը: Մենք հայտարարում ենք ինտենսիվ թեստավորման մոդ ժամանակացույց, որը շուտով կհասնի օրական 20 հազար թեստի: Սա զուգահեռ գործընթաց է, որը պետք է նպաստի սահմանափակումների շրջանում վարակի արագ հայտնաբերման:

նը: Այս քայլի նպատակն է սահմանափակումների երկամսյա ծրագիրը հնարավորինս արդյունավետ դարձնել, հնարավորինս շուտ հայտնաբերել վարակման դեպքերը, բուժել դրանք, որպեսզի փետրվարի սկզբին կյանքը լիարժեք շարունակելու հնարավորություն ունենանք,- հայտարարեց Գիորգի Գախարիան:

Վարչապետի խոսքով, խումբ է ստեղծվել պատվաստումների պլանի մասին հոգալու, այն գնե-

լու համար:

- Մենք արդեն որոշակի գումար ենք վճարել պատվաստանյութի ժամանակին ներկրման համար: Այս հանձնաժողովը պետք է ապահովի պատվաստանյութի ժամանակին ներկրումը, ինչպես նաև տեխնիկական նախապատրաստական աշխատանքները, որոնք անհրաժեշտ են պատվաստումները ժամանակին սկսելու համար,- նշեց Գիորգի Գախարիան:

ԻՆՏԵՆՍԻՎ ԹԵՍՏԱՎՈՐՈՒՄ՝ ՊԵՏՈՒԹՅԱՆ ՋԱՇՎԻՆ

- Քաղաքացիները հնարավորություն կունենան արագ թեստ հանձնել պետության հաշվին, ամեն օր կանցկացվի մոտ 20 հազար թեստավորում,- ղեկտեմբերի 2-ին կառավարության նիստում հայտարարեց Վրաստանի վարչապետ Գիորգի Գախարիան եւ հավելեց, որ այս երկու ամիսների ընթացքում ինտենսիվ թեստավորման գործընթացի նպատակը հնարավորինս արդյունավետ դարձնելն է սահմանափակումների երկամսյա ծրագիրը՝ հնարավորինս արագ հայտնաբերելու, մեկուսացնելու եւ բուժելու վարակակիրներին:

Իր հերթին, Վրաստանի առողջապահության նախարար Էկատերինե Տիկարիձեն նշեց, որ ինտենսիվ թեստավորումը ոչ միայն Վրաստանի փորձն է, այլ դրան դիմում են աշխարհի շատ երկրներ:

Առողջապահության նախարարի խոսքով, կօգտագործվեն արագ թեստերը, ինչպես նաև «Փի Սի Ար» թեստերը:

- Ինտենսիվ թեստավորումը ոչ միայն Վրաստանի փորձն է, աշխարհի բազմաթիվ երկրներ արգելափակման ժամանակահատվածում դիմում են նպատակային եւ արդյունավետ փորձարկման, որպեսզի բոլոր դեպքերը հայտնաբերվեն ժամանակին: Դա

կօգնի մեկուսացնել վարակվածներին, ուստի կնվազի վարակի տարածումը: Դա է նպատակը: Ներգրավված կլինեն ինչպես արագ թեստերը, այնպես էլ՝ «Փի Սի Ար» թեստերը, ինչը մեր երկրի ոսկյա չափանիշն է,- հայտարարեց Էկատերինե Տիկարիձեն:

Նշենք, որ ղեկտեմբերի 3-ից երկու ամսվա ընթացքում, երկրի ամբողջ տարածքում կիրականացվի ինտենսիվ թեստավորման ծրագիր, օրական կկատարվի 20 հազար փորձարկում:



ԱՐԱԳ ԹԵՍՏԵՐ՝ ՎԱՐԱԿՎԱԾՆԵՐԻՆ ՎԱՂ ՓՈՒԼՈՒՄ ԲԱՑԱՐԱՅՏԵԼՈՒ ՆՊԱՏԱԿՈՎ



Հիվանդությունների վերահսկման ազգային կենտրոնի ղեկավար Ամիրան Գամդրեկիձեի հայտարարությամբ, սահմանափակումների ժամանակահատվածում զգալիորեն ընդլայնելու է երկրում հակազենի վրա հիմնված արագ թեստերի միջոցով վարակվածների վաղ փուլում հայտնաբերումն ու նույնականացումը:

- Ինչպես գիտեք, հատկապես կարելի է, սահմանափակումների ժամանակահատվածում ընդլայնել թեստավորման մատչելիությունը վարակի վաղ հայտնաբերման նպատակով: Այսպիսով, ինչպես գիտեք, վերջին մեկուկես ամսվա ընթացքում, շուրջ երկու ամսում, այդ նոր գեներացիայի հակազենի վրա հիմնված թեստերը, եթե ճիշտ են վերցված, տալիս են նույն արդյունքը, ինչը ոսկյա չափանիշը՝ «Փի Սի Ար» թեստը: Ուստի, կա հանձնարարական, որ դրանք հնարավորինս օգտագործվեն: Երկու ամսվա ընթացքում, կառավարության կողմից մշակված սահմանափակումների ծրագրի ընթացքում, զգալիորեն ընդլայնելու է երկրում հակազենի վրա հիմնված արագ թեստերի միջոցով վարակվածների վաղ փուլում հայտնաբերումն ու նույնականացումը:

քում, զգալիորեն ընդլայնելու է երկրում հակազենի վրա հիմնված արագ թեստերի միջոցով վարակվածների վաղ փուլում հայտնաբերումն ու նույնականացումը: Չանակարգող խորհրդում ընդունվել է որոշում ու համապատասխան բանաձև, ինչպես նաև արձակվել է նախարարի հրամանը: Օրինակ՝ եթե առավոտյան մենք ունենք 10 234 «Փի Սի Ար» թեստ եւ հակազենի վրա հիմնված շուրջ 3700 թեստ, դա պետք է կրկնապատկել՝ դարձնելով 20 000-25 000: Մենք երկրում պետք է կատարենք 10, 11, 12 000 «Փի Սի Ար» թեստ եւ նույն քանակությամբ արագ թեստ,- ասել է Գամդրեկիձեն:

ԱԶԳԱՅԻՆ ՓՈՔՐԱՄԱՍՆՈՒԹՅՈՒՆՆԵՐԸ ԿՈՐՈՆԱՎԻՐՈՒՄԻ ՀԵՏ ԿԱՊՎԱԾ ՏԵՂԵԿԱՏՎՈՒԹՅՈՒՆԸ ԿԱՏԱՆԱՆ ՄԱՅՐԵՆԻ ԼԵԶՎՈՎ

Հաշվի առնելով երկրում համավարակային իրավիճակը՝ հաշտեցման եւ քաղաքացիական իրավահավասարության պետական նախարարի գրասենյակի կողմից սկսվել է տեղեկատվական արշավ՝ ազգային փոքրամասնությունների մայրենի լեզվով կորոնավիրուսի մասին կարելի տեղեկատվության հասանելիությունը դյուրացնելու նպատակով: Տեղեկատվական արշավը կիրականացվի մի քանի փուլով:

«Էթնիկ փոքրամասնությունների ներկայացուցիչներին օպերատիվ տեղեկացնելու նպատակով, պետական նախարարի նախաձեռնությամբ, պատրաստվել է տարածվել են տեղեկատվական բրոշյուրներ էթնիկ փոքրամասնությունների համար՝ իրենց մայրենի լեզուներով, սահմանված կանոնակարգերի եւ կորոնավիրուսի հետ կապված հաճախակի տրվող հարցերի վերաբերյալ:

Մինչեւ 100 000 բրոշյուր կբաժանվի Քվեմո-Քարթլիի, Սամցխե-Ջավախեթի եւ Կախեթիի ազգային փոքրամասնություններով հոծաբնակ գյուղերում, մուհիցիպալ կենտրոններից հեռու այն գյուղերում, որտեղ առկա է էլեկտրոնային ալիքներով տեղեկատվության հասանելիության հարցը:

Տեղեկատվական նյութերի տարածու-

մը կապահովեն տեղի ինքնակառավարման մարմինների ներկայացուցիչները՝ դռներու սկզբունքով:

Պետնախարարի աշխատակազմի ջանքերով, մի խումբ երիտասարդ կանավորներ կստանան հատուկ վերապատրաստում կորոնավիրուսի հետ կապված հարցերի վերաբերյալ: Վերապատրաստումը կիրականացվեն Վրաստանի առողջապահության նախարարության ներգրավվածությամբ: Դասընթացին մասնակիցներին կտրվի տեղեկատվություն այնպիսի հարցերի վերաբերյալ, ինչպիսիք են՝ կորոնավիրուսի կանխարգելման եւ կառավարման կանոնները, սահմանափակումներն ու կանոնակարգերը, պետական օգնություններն ու արտոնությունները, մեկուսացման եւ կարանտինի կանոններն ու այլ հրատապ հարցեր:

Դասընթացից հետո, ուսուցիչների մի խումբ կամավոր հիմունքներով հեռակա հանդիպումներ կանցկացնի էթնիկ փոքրամասնությունների երիտասարդների հետ եւ կտրամադրի տեղեկատվություն հայերենով եւ ադրբեջաներենով:

Պետական նախարարի աշխատակազմը, Վրաստանի կառավարության աշխատակազմի հետ համագործակցությամբ, հատուկ դասընթաց եւ աշխատանք է տրամադրել մի քանի երիտասարդների կառավարության թեժ գծում՝ 1441, ովքեր կապահովեն քաղաքացիների խորհրդատվություն եւ համապատասխան ծառայություններ, այդ թվում՝ հայերենով եւ ադրբեջաներենով՝ տեղաշարժի սահմանափակման ժամանակ քաղաքացիների անհետաձգելի հանգա-



մանքների դեպքում անցաթուղթ տրամադրելու վերաբերյալ:

Պետնախարարության հայտարարության մեջ ասվում է, որ էթնիկ փոքրամասնությունների իրազեկման արշավն իրականացվում Միացյալ Նահանգների միջազգային զարգացման գործակալության աջակցությամբ (USAID), Վրաստանի ՄԱԿ-ի ասոցիացիայի (UNAG) «Հանդուրժողականություն, քաղաքացիական իրազեկման եւ ինտեգրման աջակցության ծրագրի» (PITA) շրջանակներում:

Էջը պատրաստեց ԱՐԵՎԻԿԱ ՄԱՆՈՒԿՅԱՆԸ

ԿՈՐՈՆԱՎԻՐՈՒՄ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱՉԱՆՅՈՒՆ 65 ՄԻԼԻՈՆԻ ՇԵՄԸ

COVID-19-ի հաստատված դեպքերի թիվն աշխարհում անցել է 65 600 միլիոնից: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 1 513 129 հազարը: Ապաքինվել է 45 միլիոն 431 944 մարդ:



Վարակվածների թվով աշխարհում առաջին տեղում է ԱՄՆ-ը, որտեղ կա հաստատված 14 535 196

դեպք: Այստեղ մահացածների թիվը 282 829 է: Երկրորդ տեղում Չինաստանն է, որտեղ հաստատված դեպքերի թիվը հասել է 9 571 780-ի, մահացածներինը՝ 139 227-ի:

Վարակվածների թվով հաջորդ տեղում Բրազիլիան է, որտեղ վարակվել է 6 487 516, մահացել՝ 175 307 մարդ: Ռուսաստանում կորոնավիրուսով վարակվել է 2 402 949, վարակի հետեւանքով մահացել՝ 42 176 մարդ: Ռուսաստանին հաջորդում են Ֆրանսիան, Իսպանիան, Մեծ Բրիտանիան, Իտալիան, Արգենտինան եւ Կոլումբիան:

Հայաստանում, ընդհանուր առմամբ, վարակվածների թիվը հասնում է 139 692-ի, մահացածներինը՝ 2 277-ի, ապաքինվածներինը՝ 114 990-ի:

Ադրբեջանում վարակվածների թիվը կազմում է 133 733 մարդ: Վարակից մահացել է 1 510, ապաքինվել՝ 81 234 մարդ:

Վերջին տվյալներով, Վրաստանում վարակվել է 152 704, մահացել՝ 1 425, ապաքինվել՝ 126 904 մարդ:

Ղեկտեմբերի 4-ին կորոնավիրուսով վարակման 5 068 մորդ դեպքերից 1 959-ը Թբիլիսիում է, Աջարիայում՝ 483-ը, Իմեթրեթիում՝ 980-ը, Քվեմո Քարթլիում՝ 296-ը, Շիդա Քարթլիում՝ 222-ը, Սամեգրելո-Ջեմո Սվանեթիում՝ 408-ը, Կախեթիում՝ 335-ը, Գուրիայում՝ 122-ը, Սցխեթա-Մթիանեթիում՝ 130-ը, Ռաճա-Լեչխումիում եւ Քվեմո Սվանեթիում՝ 19, Սամցխե-Ջավախեթիում՝ 114-ը:

Նշենք, որ, ներկայիս տվյալներով, Վրաստանում կորոնավիրուսով վարակվածների ընդհանուր թիվը գերազանցում է Հայաստանում վարակվածների ընդհանուր թվին:

ԱՌԱՆՑ ՊՇՈՒ ԹԵՍՏԻ՝ ԿԱՐԱՆՏԻՆ ՉԵՆ ԱՆՑՆԻ

Համաձայն Վրաստանի կառավարության Միջգերատեսչական խորհրդի ղեկտեմբերի 3-ի որոշման, փոփոխություններ են մտցվել Վրաստանի քաղաքացիների հայրենիք վերադառնալու կանոնակարգում: Այդպիսով, այն քաղաքացիները, ովքեր երկիր են վերադառնում եւ իրենց հետ չունեն ՊՇՈՒ (պոլիմերազային շղթայական ռեակցիա) թեստի բացասական պատասխան (ամենաուշը՝ 72 ժամ առաջ), նրանց կարանտինային գոտիներ չեն տե-

ղափոխի, փոխարենը կթուլափոխեն 12 օր ինքնամեկուսանալ տանը:

Իսկ այն քաղաքացիները, որոնք երկիր են վերադառնում ՊՇՈՒ թեստի բացասական պատասխանով, որը կատարվել է վերջին 72 ժամվա ընթացքում, նույնպես պետք է ինքնամեկուսանան, բայց՝ 8 օրով:

Այն քաղաքացիները, ովքեր ինքնամեկուսացման հնարավորություն չունեն, նրանց կտեղավորեն կարանտինային հյուրանոցներում:

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՀԱՅԱՍՏԱՆԻ ՍԱՀՄԱՆԻՆ ՀԱՄԱԿԱՐԱԿՈՎ ՊԱՅՄԱՆԱՎՈՐՎԱԾ ՍԱՀՄԱՆԱՓԱԿՈՒՄՆԵՐԸ ՊԱՅՊԱՆՎՈՒՄ ԵՆ

Հայաստանի սահմանին մուտքի եւ ելքի հատուկ ռեժիմի սահմանափակումների վերացումը վերաբերում է բացառապես ռազմական դրության պայմանների փոփոխությանը: Իսկ համավարակով պայմանավորված սահմանափակումները շարունակում են ուժի մեջ մնալ, որոնք սահմանված են Հայաստանի կառավարության որոշմամբ:

Մասնավորապես, Հայաստանի կառավարության 2020թ. դեկտեմբերի 2-ի որոշմամբ վերացվել է 2020թ. սեպտեմբերի 27-ից հայտարարված ռազմական դրության ժամանակահատվածում Հայաստան մուտքի եւ ելքի հատուկ ռեժիմի սահմանափակումները:

ՀՀ ազգային անվտանգության ծառայությունը, ոստիկանությունը, պաշտպանության նախարարությունը, արտակարգ իրավիճակների նախարարությունը կարող են անձանց արգելել Հայաստան մուտք գործել (բացառությամբ՝ ՀՀ քաղաքացիների) եւ դուրս գալ՝ պայմանավորված պետական անվտանգության, մարդկանց կյանքի եւ անվտանգության ապահովման անհրաժեշտությամբ:

Միաժամանակ, շարունակում է գործել կարանտինի ընթացքում կիրառվող սահմանափակումների մասին կառավարության որոշումը: Հայաստանի ողջ տարածքում կարանտինը սահմանված է 2020 թվականի սեպտեմբերի 11-ի ժամը 17:00-ից մինչեւ 2021 թվականի հունվարի 11-ը ներառյալ:

Ըստ այդմ, ցամաքային սահմանի անցակետերով արգելվում է ՀՀ քաղաքացիություն չունեցող անձանց մուտքը Հայաստան, բացառությամբ՝ ՀՀ քաղաքացիների ընտանիքի անդամների եւ ՀՀ-ում օրինական հիմքերով բնակվելու իրավունք ունեցող անձանց, դիվանագիտական ներկայացուցչությունների, հյուպատոսա-

կան հիմնարկների ու միջազգային կազմակերպությունների ներկայացուցիչների եւ նրանց ընտանիքի անդամների, հոգեհանգստի կամ թաղման արարողությանը մասնակցելու նպատակով մուտք գործող անձանց, եթե նրանք հանգուցյալի մերձավոր ազգականներն են (ծնողը, ամուսինը, երեխան, քույրը, եղբայրը), միջպետական բեռնափոխադրումներ իրականացնող վարորդների, բեռնատար գնացքների շարժակազմի մեքենավարների (այդ թվում՝ նրանք, ովքեր բեռնատար ավտոմեքենաների, զնացքների շարժակազմների բեռնափոխմից հետո լքում են Հայաստանի տարածքը): Նաեւ այն անձանց, երբ սահմանապահ զորքերի հրամանատարը, հաշվի առնելով մուտքի հրատապությունն ու անհրաժեշտությունը, ինչպես նաեւ այդ երկրներում (տարածքներում) համավարակային իրավիճակը, թույլատրում է մուտք գործել Հայաստանի տարածք:

ՆՎԱԶԵԼ Է ԲՆԱԿՉՈՒԹՅԱՆ ԹԻՎԸ

Հայաստանի մշտական բնակչության թվի ցուցանիշը 2020 թվականի հունվարի 1-ի դրությամբ կազմել է 2 959,7 հազ. մարդ եւ, 2019 թվականի տարեկզբի համեմատ, նվազել 5,6 հազ. մարդով կամ 0,2 տոկոսով:

Հայաստանի մշտական բնակչության կազմում 2020 թվականի տարեկզբի դրությամբ, քաղաքային եւ գյուղական բնակչության մասնաբաժինները կազմել են, համապատասխանաբար՝ 63,9 եւ 36,1 տոկոս: Հայաստանի մշտական բնակչության 47,2 տոկոսը կազմել են տղամարդիկ, իսկ 52,8 տոկոսը՝ կանայք: 2020 թվականի տարեկզբի դրությամբ, բնակչության միջին տարիքը կազմել է 36,9 տարի, իսկ տղամարդկանց եւ կանանց տարիքը, համապատասխանաբար՝ 34,8 եւ 38,8 տարի:

2020թ. տարեկզբի դրությամբ, Հայաստանի մշտական բնակչության թվի 63,8 տոկոսը կազմել է աշխատունակ բնակչությունը (16-62 տարեկան), 21,5 տոկոսը՝ աշխատու-

նակ տարիքից ցածր (0-15 տարեկան), իսկ 14,7 տոկոսը՝ աշխատունակ տարիքից բարձր (63 եւ ավելի տարեկան) բնակչությունը:

Հայաստանի 1 000 աշխատունակ տարիքի բնակչությանը բաժին է ընկել անաշխատունակ տարիքի 566 մարդ (230 տարեց եւ 336՝ 0-15 տարեկան երեխա):

Պտղաբերության (ծնելիության գումարային) գործակիցը՝ ծնունակ տարիքի (15-49 տարեկան) մեկ կնոջ հաշվով 2019թ. կազմել է 1.599 միավոր, 2018թ.՝ 1.572 միավորի համեմատ, ինչը զգալիորեն ցածր է բնակչության պարզ վերարտադրության համար անհրաժեշտ՝ 2.150 ցուցանիշից:

«ՈՍԿԵ ԾԻՐԱՆԸ» ՀԱՏԵՑ ԵԶՐԱԳԻԾԸ

«Ոսկե ծիրան» 17-րդ միջազգային կինոփառատոնը հատեց եզրագիծը: Նոյեմբերի 1-ից «Նվիրում Արցախին» նախագծով փառատոնը միացել էր «Հայաստան» համահայկական հիմնադրամի «Մենք ենք, մեր սահմանները» համազգային դրամահավաքին, եւ մինչեւ Նոյեմբերի 30-ը, տարբեր ծրագրերի շարունակական իրականացմամբ, իր ներդրումն ունեցավ համազգային դրամահավաքի ընթացքում:

Կե ծիրան»-ը «Հայաստան» համահայկական հիմնադրամի դրամահավաքին փոխանցեց 3 524 000 ՀՀ դրամ:

Փառատոնի շրջանակներում, կազմակերպվեցին նաեւ առցանց վարպետության դասեր: Ծրագրված էին նաեւ այլ միջոցառումներ, մասնավորապես, Ազնավուրի հրապարակի աստղային պուրակում բացվելու էին ռեժիսորներ Ռուբեն Գեւորգյանցի, Ռոբերտ Սահակյանցի, Գրիգոր Մե-

լիք-Ավագյանի, Առնոլդ Աղաբաբովի աստղերը, սակայն ելնելով ներկա իրավիճակից, որոշում ընդունվեց այն անցկացնել ավելի ուշ:

Քանի որ փառատոնի միջազգային մրցույթի ժյուրին աշխատում էր հեռահար, ապա որոշակի բարդություններ էին առկա քննարկումները կազմակերպելու հարցում, եւ այդ իսկ պատճառով մրցույթի արդյունքները փառատոնը կիրառարակի ավելի ուշ:



Նշենք, որ «Ոսկե ծիրան» կինոփառատոնի «Նվիրում Արցախին» նախագծի մեկնարկը տրվեց Նոյեմբերի 1-ին Կաննի կինոփառատոնում ընդգրկված եւ Արցախին նվիրված Նորա Մարտիրոսյանի «Երբ որ քամին հանդարտվի» ֆիլմի համահայկական պրեմիերայով: Հաջորդիվ ներկայացվեցին արցախյան թեմատիկայով այլ կինոնկարներ: «Ոս-

ՔՐԵԱԿԱՆ ՊԱՏԱՍԽԱՆԱՏՎՈՒԹՅՈՒՆ` ԶԱՆԳՎԱԾԱՅԻՆ ԱՆԿԱՐԳՈՒԹՅԱՆ ՇՈՒՐՋ ՀԻՆԳ ՏԱՄՆՅԱԿ ՄԱՍՆԱԿԻՑՆԵՐԻՆ

Հայաստանի ազգային անվտանգության ծառայությունը (ԱԱԾ) հայտնում է, որ զանգվածային անկարգությունների, իշխանությունը զավթելուն, սահմանադրական կարգը բռնի տապալելուն ուղղված հրապարակային կոչերի դեպքերի առթիվ հարուցված քրեական գործի շրջանակներում, քրեական հետապնդում է հարուցվել շուրջ 5 տասնյակ անձի նկատմամբ, որից 18 անձի նկատմամբ խափանման միջոց է ընտրվել կալանավորումը, իսկ մնացած անձանց նկատմամբ ընտրվել են անազատության հետ չկապված խափանման միջոցներ:

Ընդ որում, նախաքննական մարմնի կողմից ձեռնարկված արդյունավետ քննչական եւ այլ դատավարական գործողությունների, ինչպես նաեւ դրանց զուգահեռ իրականացված օպերատիվ-հետախուզական համալիր միջոցառումների արդյունքում պարզաբանվել են նաեւ շուրջ 250-ից ավելի անձանց ինքնությունները, ինչպես նաեւ ճշտվել են զանգվածային անկարգության այլ մասնակիցների տվյալները, որոնց հայտնաբերման ուղղությամբ իրականացվում են որոնողական, փնտրողական աշխատանքներ:

Մասնավորապես, քննությամբ պարզվել է, որ զանգվածային անկարգություններին մասնակից անձանց մեջ մեծ թիվ են կազմել Հայաստանի երկրորդ, նախագահ Ռոբերտ Զոհարյանի կողմնակիցները, «Հայ հեղափոխական դաշ-

նակցություն» կուսակցության անդամ հանդիսացող անձինք, «Կամք» նախաձեռնության, «Այլընտրանք» հասարակական կազմակերպության անդամները, «Հայաստանի Հանրապետական կուսակցության» աջակիցները, «Հայաստանի Հանրապետական կուսակցության» նախկին պատգամավորների օգնականները, համակիրները, հանրային հնչեղություն ստացած տարբեր քրեական գործերով ամբաստանյալներ, որոնց նկատմամբ ՀՀ քրեական դատավարության օրենսգրքով սահմանված կարգով կիրառվել են դատավարական հարկադրանքի միջոցներ եւ հարուցվել քրեական հետապնդումներ:



ՌԱԶՄԱԿԱՆ ԳՐՈՒԹՅԱՆ ՍԱՀՄԱՆԱՓԱԿՈՒՄՆԵՐԸ ԿՎԵՐԱՅՎԵՆ Հայաստանի կառավարությունը վերացնում է երկրում հայտարարված ռազմական դրության շրջանակներում կիրառված հավաքների եւ գործադուլների կազմակերպման, անցկացման եւ դրանց մասնակցելու արգելքը. Հայաստանի տարածք մուտքի եւ ելքի հատուկ ռեժիմը եւ հրապարակումների, հաղորդումների իրականացման սահմանափակումներն ամբողջությամբ:

ԸՆԴՊԻՍՈՒԹՅԱՆ ՎԱՐՉՎԵՏԻ ԹԵԿՆՍՈՒՆ ՎԱԶԳԵՆ ՄԱՆՈՒԿՅԱՆ Է Դեկտեմբերի 3-ին Հայաստանում ընդդիմադիր ուժերը ներկայացրեին իրենց միասնական թեկնածուին: Խորհրդարանական եւ արտախորհրդարանական 17 կուսակցություններից բաղկացած «Հայրենիքի փրկության խորհուրդ»-ի վարչապետի միասնական թեկնածուն Վազգեն Մանուկյանն է: Վազգեն Մանուկյանը նախկինում զբաղեցրել է Հայաստանի վարչապետի, Պաշտպանության նախարարի եւ Հանրային խորհրդի նախագահի պաշտոնները: Խորհրդարանական եւ արտախորհրդարանական ընդդիմադիր 17 կուսակցություններ նույնքերի 11-ից տարբեր ակցիաներ են իրականացնում պահանջելով ՀՀ վարչապետ Նիկոլ Փաշինյանի հրաժարականը:

27 ՀԱԶԱՐ ԱՐՃԱՄՅՈՒ ՎԵՐԱԳԱՐՁԵԼ Է ԱՐՃԱՆԻ Լեռնային Ղարաբաղում առաքելություն իրականացնող ռուս խաղաղապահների ուղեկցությամբ, միայն դեկտեմբերի 2-ին Արցախ է վերադարձել եւս 1168 արցախցի: Ընդհանուր առմամբ, Արցախ վերադարձած քաղաքացիների ընդհանուր թիվն արդեն ավելի քան 27 հազար է: «Սրբփանակների 8-րդ դպրոցում այսօր վերսկսվել է նաեւ ուսումնական գործընթացը: Ուսումնառությունը սկսել է ավելի քան 400 աշակերտ: Դպրոցը վերականգնվել է ռուս խաղաղապահների օգնությամբ»,- ասված է ՌԴ ՊՆ կայքում:

ԳԵԿՏԵՄԲԵՐԻ 7-ԻՆ ՀԱՅԱՍՏԱՆՈՒՄ ԳԳՐՈՑՆԵՐԸ ԿԱՆՑՆԵՆ ԱՐԿԱ ՈՐՄՈՒՅՄԱՆ Հայաստանի կրթության, գիտության, մշակույթի եւ սպորտի նախարարությունը շրջաբերական գրությամբ դիմել է մարզպետարաններին եւ երեսնի քաղաքապետարանին դեկտեմբերի 7-ից Հայաստանի հանրակրթական ուսումնական հաստատությունների 5-12-րդ դասարանների սովորողների դասերն առկա կազմակերպելու վերաբերյալ: Համաձայն մինչ այդ տրված կարգավորման, առկա է կազմակերպվում 1-4-րդ դասարանների, ինչպես նաեւ ներհամայնքային տրանսպորտ չունեցող համայնքների բոլոր դասարանների ուսումնական գործընթացը: Կորոնավիրուսային հիվանդության (COVID-19) ծանր զարգացման բարձր ռիսկի խմբի, 65 եւ բարձր տարիքի աշխատողները կարող են աշխատանքն իրականացնել «հեռավար» եղանակով իրենց գրավոր համաձայնությամբ: Ռիսկի խմբում գտնվող երեխաները կշարունակեն հեռավար ուսուցումը՝ կենտրոնացված հեռավար ուսուցման միջոցով: Յուրաքանչյուր դպրոցի համար կկիրառվի առանձին մոդելներ՝ կախված դպրոցում համավարակի դեպքերի թվից, 10 տոկոսից ավելի վարակվածության ցուցանիշ ունենալու դեպքում, ըստ սահմանված առողջապահական կանոնների, դպրոցը կրկին կանցնի հեռավար ուսուցման:

ԵՐԳ՝ ՆԵՐՔՎԱՆ ԳԱՏԵՐԱԶՄՈՒՄ ԶՈՂՎԱՄ ԵԶՐԻՆԵՐԻՆ Գերմանաբնակ եզդի երգիչ Իբրահիմ Խալիլը նոր երգ է ձայնագրել, որը նվիրել է Արցախյան պայքարազմում զոհված եզդի տղաների հիշատակին՝ «Մենք չենք մահանա» երգն արդեն համապանդում է: «Նրանց գործն անմահ է: Փառք ու պատիվ չեզ»,- սուցանցումն անել է երգիչը:

ԵԿԵՂԵՑԱԿԱՆ

6.12.2020 Բարեկենդանի ղԵԿՏԵՄԲԵՐ 9.12.2020 Հոլոթյուն Սուրբ Աստվածածնի

Բարեկենդանի Սուրբ Հակոբի պահքի տոնը նշվում է դեկտեմբեր ամսվա առաջին կիրակիներից մեկի ժամանակ: Բարեկենդան (բառացի՝ բարի կենդանություն, ուրախություն), գլխավոր շաբաթապատերին նախորդող շաբաթ օրը:

Հոլոթյուն Սուրբ Աստվածածնի, Աստվածածնի մոր՝ Աննայի հոլոթյուն հիշատակության տոնն է. բոլոր Արեւելյան եկեղեցիները նշում են դեկտեմբերի 9-ին, իսկ Կաթոլիկ եկեղեցին՝ դեկտեմբերի 8-ին:

ՄԱՆԿԱԿԱՆ ԵՎՐԱՏԵՍԻԼ - 2020

ՄՐՑՈՒՅԹՈՒՄ ՍԱՆԴՐԱ ԳԱՂԵԼԻԱՆ 6-ՐԴՆ ԷՐ



Լենտինան (Valentina)՝ J'imagine երգով:

ՄՊՈՐՏ

ՖՈՒՏԲՈԼԻ ԵՎՐՈՊԱՅԻ ՄԻՆՉԵՎ 21 ՏԱՐԵԿԱՆՆԵՐԻ ԱՌԱՋՆՈՒԹՅՈՒՆԸ՝ ՎՐԱՍՏԱՆՈՒՄ

ՈւԵՖԱ-ի որոշմամբ, 2023 թվականի Եվրոպայի մինչեւ 21 տարեկանների 24-րդ առաջնությունը կանցկացվի երկու երկրներում՝ Վրաստանում ու Ռումինիայում:

16 եվրոպական թիմեր կբաժանվեն չորս խմբի: Յուրաքանչյուր երկիր կհյուրընկալի երկու խումբ: Ըստ առաջնության կանոնակարգի, երկու հյուրընկալող երկրներ՝ Վրաստանը եւ Ռումինիան, խաղալու են եզրափակիչ փուլում առանց որակավորման փուլ անցնելու:

«Եվրո 2023»-ի պատանեկան թիմերի եզրափակիչ հանդիպումը կանցկացվի Բաթումի մարզադաշտում, իսկ բացման հանդիպումը՝ Ռումինիայում: Խմբային հանդիպումները կանցկացվեն 4 մարզադաշտում, այդ թվում՝ Բաթումիում, Փոթիում եւ Թբիլիսիում («Բորիս

Պայճաձեի - Դինամո Արեմա» եւ «Մի-խել Մեսխի» մարզադաշտեր):

ԵՎՐԱՐԱՍԿԵՏ 2020. ՎՐԱՍՏԱՆԸ ԵԶՐԱԾԱԿԻՉ ՓՈԼՈՒՄ

Եվրաբասկետ 2022-ի ընտրական փուլում Վրաստանի հավաքականը երկու հանդիպում է անցկացրել Ֆինլանդիայում եւ երկուսում էլ հասավ հաղթանակի՝ պարտության մատնելով Ֆինլանդիայի եւ Շվեյցարիայի հավաքականներին ու մասնակցության ուղեգիր նվաճելով առաջնության եզրափակիչ փուլին:

Նշենք, որ Եվրոպայի առաջնությունը կանցկացվի չորս երկրում՝ Վրաստանում, Գերմանիայում, Չեխիայում եւ Իտալիայում:

Ընդհանուր առմամբ, Եվրոպայի առաջնությանը մասնակցելու են 24 թիմեր, որոնցից 11-ն արդեն հայտնի են: Եվրաբասկետի ուղեգիր նվաճած եւս 13 թիմ հայտնի կդառնա փետրվարին:

ՀԻՇԱՏԱԿԻ ԽՈՍՔ

ԻՍԿԱԿԱՆ ՄԱՆԿԱՎԱՐԺՆ ՈՒ ԱՉՆԻՎ ՄԱՐԴԸ

Ծանր է անցյալով խոսել այնպիսի ազնվագույն մարդու եւ իսկական ուսուցչի մասին, ինչպիսին Ասյա Սարգսյան-Բաղդասարյանն էր, ով իր մահկանացուն կնքեց կյանքի 79-րդ տարում:

Մի առիթով ուսուցչուհին նշել է. «Թերեւս աշխատանքը լարում է պահանջում, բայց ներքին բավարարվածությունը, որ գալիս է ցանկալի արդյունքից հետո, կարծում եմ, ուսուցչի գերագույն վարձատրությունն է»: Սիրված ու նվիրված մանկավարժը մեր ծանր ու հեղինակ ունեցող անմնացորդ նվիրվեց իր սաներին ու երկրին: Տիկին Ասյան աշխատանքի հանդեպ անմնացորդ նվիրումի ու մարդկային բարձր արժանիքների շնորհիվ վայելում էր աշակերտների, գործընկերների անսպառ սերն ու հարգանքը: Գնահատվել է Վրաստանի կրթության ու գիտության նախարարության կողմից՝ արժանացելով «Աշխատանքի վետերան», «Ժողովրդական կրթության գերազանցիկ» կրծքանշանների, Հայաստանի Հանրապետության ԿԳ նախարարության՝ «Ոսկե հուշամեդալի», բազմաթիվ պատվոգրերի, շնորհակալագրերի:

Ասյա Գաբրիելի Սարգսյան-Բաղդասարյանը ծնվել է 1941 թվականին Թբիլիսիում, ավարտել է Հավլաբար թաղամասում գտնվող թիվ 93 հայկական միջնակարգ դպրոցը, ապա Ա.Պուշկինի (այժմ Իլիայի անվան համալսարան) անվան մանկավարժական ինստիտուտը: 3 տարի աշխատել է Բոգրա-

նովկայի (այժմ՝ Նինոծմինդայի մունիցիպալիտետ) շրջանի Յեւտիա գյուղի դպրոցում, իսկ 1965-2015 թվականներին՝ մայրաքաղաքի թիվ 104 կրթօջախում:

Տիկին Ասյան ոչ միայն լուսավոր անուն էր Վրաստանի կրթության համակարգում, այլեւ հրաշալի մայր, ամուսին ու տատ: Կյանքի ընկերոջ՝ կրթության ոլորտի երախտավոր Նորայր Բաղդասարյանի հետ, դաստիարակել է երեք հրաշալի զավակներին՝ Ալինան եւ Սուսաննան մանկավարժներ են, իսկ որդին՝ Արթուրը, ճարտարապետ է:

Ու այսօր մեզ հասած տիկին Ասյայի հանկարծամահ բոլոր ցավ ու ափսոսանք առաջացրեց բոլոր նրանց սրտերում, ովքեր որեւէ առիթով շփվել կամ ճանաչում էին այդ իսկական Մարդուն, ով ուսանելի օրինակ է եղել իր սաների, կրտսեր գործընկերների համար:

Սրտակից բարեկամ, կարեկցող ու արդարամիտ, ճշմարտախոս ու ազնվաբար, ահա այսպիսին կմնա նա իրեն ճանաչողների սրտերում ու հիշողության մեջ:

ԿԱՐԻՆԵ ՄԱՆՈՒԿԱՆ

«Վրաստան» թերթի խմբագրությունը, Թբիլիսիի Պետրոս Աղայանի անվան պետհայդրամայի թատրոնը, Վրաստանի հայերի միությունը, Վրաստանի հայ գրողների «Վերնատուն» միությունը ցավակցում են թերթի նախկին աշխատակից Ալինա Բաղդասարյանին եւ Վրաստանի կրթության նախարարության Ազգային ծրագրերի փոխկապակցման դեպարտամենտի նախկին պետ Նորայր Բաղդասարյանին՝ սիրելի մոր եւ կնոջ՝

Ասյա Գաբրիելի ՍԱՐԳՍՅԱՆ-ԲԱԴՂԱՍԱՐԿՅԱՆԻ մահվան կապակցությամբ ու զորակցում են հանգուցյալի մերձավորներին ու բարեկամներին:

1		2		3		4		5	6		7		8
							9						
10									11				
		12					13	14				15	
					16	17		18					
		19		20		21		22					23
	24			25								26	
27				28				29					
		30	31			32					33		
34						35		36					
		37			38			39					
		40			41	42		43		44			
	45			46				47				48	
			49						50				
51					52					53			
54									55				
56						57							

Խ Ա Չ Բ Ա Ռ

ՀՈՐԻՉՈՆԱԿԱՆ.

1.Վանքային համալիր Արցախում: 5.«Երկինք Թ դարու» պատմավեպի հեղինակը: 10.Ասիական պետություն: 11.Բուստ, մարջան: 12.«... էր, ... էր մկստան» («Սկների ժողովը»): 13.Վառ կարմիրը: 15.Բայի վերջավորություն: 17.Լեռ Արցախում: 20.Լեռնարդ դա Վինչիի կտավներից «... Լիզա»: 22.Գերմանացի փոփ երգչուհի ... Անն Լաուեր: 24.Հայկական ամսանուն: 25.Հովի.Թումանյանի պոեմներից: 26.Անձնական դերանուն: 28.Լիճ Պատմական Հայաստանում: 29.Մոմի հումքը: 30.Թաս, կաթսա: 34....Ֆաբրիկատ, ...հուն: 33.Ոչ սառը, ջերմ: 34.Անհուսալի, հեծեծալի: 35.Հիվանդ, անառողջ: 37.Հայ մեծ բանաստեղծ: 39.Հոբերորդ նոտան: 40.Գերազան..., հպան..., թափան...: 41.Ֆրանսիացի գեղանկարիչ: 43.Հայրը՝ Գիքորի լեզվով: 46.Փլավացու բույս: 47.Ժողովրդական երգչուհի ... Մարտիրոսյան: 50....ը գալ, չուզեմալ: 51.Մաքրել, մաղել, ջրկել: 52.Գործ, վերաբերմունք: 53.Սաթեմատիկական տառ: 54.Ստորադասական շաղկապ: 56.Լեռ Վանա լճի մոտ: 57.«Ինչո՞ւ է աղմկում գետը» ֆիլմի գլխավոր հերոսը:

ՈՐՈՇՈՒՄՆԵՐ. 1.Վրաց պոետ Տերենտի ...: 2.Աշ-

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻՉՈՆԱԿԱՆ.

4.Ստալին: 8.Սուվորով: 9.Անվանի: 10.Ալարկոտ: 14.Ակնամոմ: 15.Միդի: 17.Բերետ: 18.Ճերմակել: 22.Դարա: 23.Ողիսեւ: 26.Կիտ: 27.Փոխանակում: 32.Սթիվի: 33.Աջիկա: 35.Լոկ: 36.Դարպասապահ: 41.Առակ: 42.Լիճ: 44.Հաստատ: 45.Կարինե: 46.Ավան: 47.Լուս: 48.Անմայր: 49.Սաղիստ: ՈՐՈՇՈՒՄՆԵՐ. 1.Դուկա: 2.Կուրտ: 3.Սողոմ: 5.Տան: 6.Լրագիր: 7.Նախիտ: 11.Ակորդ: 12.Կապար: 13.Տոկ: 15.Մեկիկ: 16.Դեռեւ: 18.Ճամփորդ: 19.Մախաթ: 20.Կաքավ: 21.Լոռու: 24.Սիպիլ: 25.Սոխակ: 28.Խսիկ: 29.Նիկա: 30.Կիթառ: 31.Մարականա: 34.Կոսինուս: 37.Ատամն: 38.Պիտոն: 39.Սատար: 40.Պակաս: 42.Լիլի: 43.Ֆեստ:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԵՃԵՄԵՆՈ 0105, ՃԱՄԵՃԵՄԵՆՈ ՄՅՅԱ 5, ՄԵՐ ԽԱՍՏԵՆ՝ ԹԵԼԻՍԻ 0105 Գ.Աթոնելի փ. 5
ԹՅՅԸ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՅՅՅԵՄԵՆՈ»
ՄԵՃԵՄԵՆՈ, ՆԱՅՅԵՄԵՄԵՆՈ
"ВРАСТАН"
Тбилиси, Грузия
<VRASTAN>
Georgia, Tbilisi
Индекс 66445